

Et commence l'ystoire de melibee  
et de sa femme prudence.

**N**z iouuenceaulx appelle melibee puissant et riche eut vne  
femme appelée prudēce et de celle femme vne fille. Aduint  
vng iour quil sala esbatre et iouer et laissa en vng lieu sa fe-  
me et sa fille et les portes closes. Troys de ses anciens enne-  
mis appoierent eschielles es murs de sa maison et par les  
fenestres entrerent dedens et batirent sa femme forment  
et naurerent la fille de cinq playes en cinq lieux de son corps. Cest assauoir es  
pies es oreilles ou nes en la bouche et es mains. Et la laisserēt pres que morte  
puis sen alerent. Quāt melibee retourna a son hostel et vit le meschies si com-  
menca a soy plaindre et prist a plourer et a soy battre et en maniere desforsence  
sa robe desfiler. Lors prudence sa femme le prist a amonester quil ce souffrist  
et cil tousiours plus fort crioit. Adoncqs sapensa de la sentence douide ou liure  
du remede damours qui dist. Cil est fol qui seforce depechier la mere de plou-  
rer en la mort de son enfant iusques a tant quelle se soit bien replie de larmes  
et saoulee de plourer. Lors est il temps de luy cōforter et datremper sa douleur  
par douces paroles. Pource prudence ce souffrist vng pou. Et puis quant elle  
veit son temps se luy dist. Aduises sire dist elle pourquoy vous faictes vous  
sembler fol. Il nappartiēt a sage homme de mener si grant dueil. Vostre fille  
eschappera se dieu plaīt. Et se elle estoit ores morte vous ne vous deues pas  
pour elle destruire. Car seneque dit que le sage ne doit prendre grant descōfort  
de la mort de ses enfans. Mais doit souffrir leur mort aussi legierement cōme il  
attend la sienne propre. Melibee respondi que est cil qui se pourroit tenir de  
plourer en si grāt cause de douleur. Vostre sire meisme Jesucrist ploura de la  
mort du ladre son amy. Certes dit prudēce plour atrempe nest pas desfendu a  
celuy qui est triste ou entre les triste mais leur est ottroye. Car selon que dit  
sainct pol en lespitre aux romais. On doit mener ioye avec ceulx qui ioye mai-  
nent. Et doit on plourer avec ceulx qui pleurēt. Mais iacoit ce que plourer des-  
mesurecēmēt est desfendu. Et pource lē doit garder la mesure que seneque met  
Quāt tu auras dit il perdu ton amy ton oeil ne soit ne trop sec ne trop moite.  
Car iacoit ce que la larme viēne a loeil elle nē doit pas yssir. Et quāt tu auras  
perdu ton amy efforce toy dung aultre recouurer. car il te vault miculx vng